

平定兩金川方畧

十

七

平定兩金川方略

卷五

平定兩金川方略卷之三十六

七月戊申阿桂奏言。綽窩土司朋楚克拉布丹。  
綽斯甲布土司工噶諾爾布。各遣頭人具稟言。  
屢被金川荼毒。懇請剿滅除害。並願派土兵協  
剿。是金川罪孽貫盈。爲衆土兵憤恨。冀其速亡。  
情事已可概見。臣查西山梁壘壟溝一帶。雖極  
高峻。若能相機搶佔。既可破賊番。東山梁犄角

之勢。且可進搗僧格宗。但非乘間出奇。一舉集

事。賊番必更增修嚴密。再辦愈爲費力。現與鎮

將及土弁等。詳悉定議。提兵迅進。再前日從魯

揚山撤回時。見山頭坡角。賊番所種零星稞麥。

漸就成熟。卽令漢土官兵割取。其餘踐踏殆盡。

行至格宗賊寨之前。並將麥田悉行焚燒。合並

陳明奏入。

上諭軍機大臣曰。阿桂此次辦理。甚屬用心奮勉。著  
加恩賞戴花翎。至綽斯甲布等。差人投稟。尤爲極  
好機會。自當速籌進取。所有該處軍糧。飭令阿爾  
泰卽行趕運。並著文綬加緊督催。毋稍遲緩。

上又諭內閣曰。文綬自去歲以來。辦事俱屬妥協。現  
又經理軍務。著賞戴花翎。以示鼓勵。

己酉。阿爾泰奏言。此次先後所調川黔兵丁俱

未隨帶餘丁。又未給與馱載銀兩。因將長夫應

用。但餘丁一名。每月僅支鹽菜銀五錢。而長夫

工價。照站夫之例。每日給銀八分。所費較多。應

將黔兵未領馱載銀兩。無庸給發。卽臣與福隆

安阿桂奏派楚滇二省各官兵。如蒙

俞允卽須行調來川。臣一面飛咨各該省照例備帶

餘丁。以資遣用。倘臨時亦無餘丁備帶。則長夫

一項。又應一體應付。惟是每兵百名。給夫三十

名。係仿照餘丁數目酌辦。臣查陝甘官兵分起

到川。經戶部議准。帶餘丁三十名。而部咨所開

西路成例。稱馬兵四名。步兵五名。合給餘丁一

名。是馬兵百名。應帶餘丁二十五名。步兵百名。

應帶餘丁二十名。川省各營官兵。均應照例辦

理。但合計皆未及三十名之數。臣思多帶餘丁。

即可隨時拔補正兵缺額。應請仍照例以三十名爲率。若長夫祇供背負樵汲之用。嗣後各省調來之兵。其無餘丁者。所給長夫。應減去十名。每百名給與二十名。商之阿桂。據云前管本坪軍營。卽如此辦理。已足敷用。是不獨費歸撙節。而民力亦可不致虛勞。奏入。

上諭軍機大臣曰。現據阿爾泰酌議餘丁長夫事宜。

以餘丁可備充補。長夫祇供樵汲。已飛咨各省。賣  
調官兵。俱令備帶餘丁。自應如此辦理。又請每兵  
百名。定給長夫二十名。固爲慎重錢糧起見。但官  
兵現在隨營出力。已議給與長夫三十名。今又忽  
復裁減。非所以體恤士衆。著溫福卽就軍營實在  
情形。妥籌速奏。

同日。

上諭內閣曰前派色布騰巴爾珠爾審訊五岱捏叅  
溫福一案。色布騰巴爾珠爾護庇五岱。並未將伊  
詳審。轉將溫福無關緊要事件。反覆搜尋。治罪亦  
所自取。但其人本糊塗。尚非有心壞事者可比。至  
五岱意欲叅奏溫福。自占地步。亦屬小人常態。但  
無顯然實証。朕亦豈肯以未形之事。苛求治罪。著  
施恩將色布騰巴爾珠爾撤去黃帶。在家圈禁。五

岱著發往伊犁。自備資斧。効力贖罪。並諭中外知之。

臣等謹按五岱從北山進攻。久而無效。且致色倫泰陣亡。因而獨効馬彪等。并叅溫福。誠

如

聖諭。實係自占地步。而溫福繼叅五岱。亦不免過甚

其詞。是以

特令色布騰巴爾珠爾赴營研訊。使溫福果乖張債事。難副統兵之任。自當據實直奏。仰候

睿裁。乃於無關緊要之處。傳集章京將領等。反覆吹求。不思溫福身係將軍。現值領兵攻剿。致使軍營咸懷觀望。不無稽滯進攻。色布騰巴爾珠爾之咎。實在於此。我

皇上執兩用中。權其事之大小重輕。總以軍務爲先。

因將毡布騰巴爾珠爾等分別懲治此蓋一  
出於大公至正而

權度精詳。時宜悉協。若謂因固倫額駙之故轉爲從  
嚴辦理。是猶以私心揣測。於

至聖時中之道未足仰窺萬一也。

癸丑。溫福豐昇額奏言。南路僧格宗地方係小  
金川要路。而綽斯甲布一帶。又進剿金川必由

之道該處官兵似未可遽議減撤。但現在南路一時未能攻進。糧運又不充裕。所有第五次來川之陝甘兵二千名。前擬撥赴南路。今可令其改赴西路軍營。以資調撥。

同日溫福豐昇額又奏言。曾頭溝一路。據董天弼稟稱。梭磨官寨相近。有路通小金川之大板昭地方。可以分兵進剿。現在甘省官兵尚未到

營董天弼因梭磨上婦懇請助剿。已於其所屬  
土兵內挑齊一千名預備進發。臣以三雜谷一  
路糧臺事屬初始。恐甘兵到營。一時軍需難以  
接濟。卽札知劉秉恬速將應運三雜谷米麵等  
項督催全數起運。以裕軍食。均奏入。

上諭軍機大臣曰。溫福等奏梭磨土婦情願派兵二  
千。隨札劉秉恬催督糧糈。令董天弼上緊進攻。籌

平定回疆方略卷之三十一  
辦甚是。又現在綽斯甲布。綽窩各土司。具稟紛紛。懇請幫兵出力。此屬最好機會。若不趁此殄滅兩酋。將來各土司畏其吞噬。必轉而歸附金川。則逆酋鴟張益甚。此係萬難中止之事。至前此所詢火藥一項。原恐其透漏賊境。不可不嚴加防範。若官兵破賊攻碉。全賴以此制勝。自當隨宜施放。過爲撙節。靳不輕用。奚異於因噎廢食乎。其議將續調

之陝西兵令往西路。在西路固可稍添兵力。但南路現須派兵。山綽斯甲布一路進攻。若陝兵減去。南路恐又不敷。著傳諭溫福。阿桂等。就兩路實在情形。通盤籌畫。仍飭令帶兵各員。就近取道過行。同日。阿桂奏言。查綽斯甲布爲進攻勒烏圍正路。惟因一時糧運難繼。不能多集官兵。只可相機攻擊。以爲牽掣金川之地。至西山墨壟溝以